

- 1^r Wer vil nūw fünd macht durch die land
- 2^r Der gibt vil ärgernyß vnd schand
- 3^r Vnd halt den narren by der hand



Von nuwen funden

- 1 Das ettwan was eyn schantlich ding
- 2 Das wygt man yetz schlecht vnd gering
- 3 Eyn ere was ettwan tragen bert
- 4 Jetz hand die wibschen mann gelert

5 Vnd schmyeren sich mit affen schmaltz
 6 Vnd dünt entblößen jren halß
 7 Vil ring vnd grosse ketten dran
 8 Als ob sie vor sant Lienhart stan
 9 Mit schwebel / hartz / büffen das har
 10 Dar jn schlecht man eyer klar
 11 Das es jm schüsselkorb werd kruß
 12 Der henckt den kopff zûm fenster vß
 13 Der bleicht es an der sunn vnd für
 14 Dar vnder werden lüse nit dür
 15 Die trügen yetz wol jn der welt
 16 Das dût all kleyder sindt vol felt
 17 Röck / mäntel / hembder / vnd brustdûch
 18 Pantoffel / styfel / hosen / schûch
 19 Wild kappen / mäntel / vmblouff dran
 20 Der jüdisch sytt will gantz vff stan
 21 Dann eyn fund kum dem andern wicht
 22 Das zeygt das vnser gmût ist licht
 23 Vnd wanckelbar jn alle schand
 24 Vil *nüwring* ist jn allem land
 25 Kurtz schentlich vnd beschrotten rōck
 26 Das eyner kum den nabel bdōck
 27 *Phuch* schand der tütschen nacion
 28 Das die natur verdeckt will han
 29 Das man das blößt / vnd sehen lat
 30 Dar vmb es leyder übel gat
 31 Vnd würt bald han eyn bößern stand
 32 We dem der vrsach gibt zû schand
 33 We dem ouch der solch schand nit strofft
 34 Jm würt zû lon das er nit hofft

a8^r

10 man *GW5046 GW5047*] man dan *GW5041* **24** *nüwring*] *nürwring GW5046* *nüwerung GW5047* **26** *bdōck GW5041 GW5046*] *dōck GW5047* **27** *Phuch*] *Phfuch GW5041 GW5046 GW5047*